

福建續志卷六十七

列女九

延平府

國朝

節孝

江氏汪綸妻年二十二而寡子烈甫四歲母憐其貧勸他適不從守節撫孤年七十餘人罕見其面

吳氏鄒國恩妻夫亡孤周謨幼氏慟哭幾絕欲以身殉姑撫之曰爾志堅矣如呱呱何氏遂篝燈夜績奉姑教子周謨戊子登賢書姑年八十七卒氏哀

福建續志

卷六十七

列女九

一

毀七日隨卒

張氏庠生王武妻初武艱嗣氏三為納妾夫死僅妾遺子二妾皆他適氏守節鞠孤不啻已出三十年如一日

葉保卿俞大訓妻年二十一夫故誓死守節事姑以孝教子成立

張氏庠生俞大本妻大本故子士旂生未週姑且老氏斷髮守志擇師教子建坊 旌表

黃氏萬應海妻年十八夫亡貞肅自守足不踰閭父成樂欲堅其志旦夕造門獎勵年八十八卒

賴氏生員練錦標妻有姿德夫癖輕氏氏不爲戚年十八失所天無子有皎節事舅姑純孝

黃氏朱運熙妻生子智臨甫九月而夫故氏年二十矢志守節孝事庶姑其媳亦有崔婦乳姑之風

朱氏楊其芳妻年二十二夫亡一子繼卒甘貧守志撫稚孫各有成就

陳氏魏雲鼎妻生子香世在襁褓雲鼎患瘵氏力持弗懈及疾革謂氏曰汝少孤雛守否自裁氏痛不欲生矢志勿二聲不聞闕外人稱賢節

駱氏庠生徐一德妻夫喪矢志堅貞奉舅姑以孝撫幼子以慈嘗夜有盜至門氏登屋號呼鄉人起援寇退人多其智年七十三卒

陳氏練韜妻德性溫良治家勤儉年二十夫亡相舟自矢中年子復歿節操愈勵孝事舅姑和睦妯娌克盡婦道

徐氏庠生何仕雲之母年二十四夫亡勵志守節課子成名

陳氏王錫璋妻夫亡年二十五子幼辛勤守節拮据撫孤五十載卒年八十

孝婦王氏姑先歿事舅惟謹家貧養殮取辦臨時一

日晨炊無米。舅至平日飯熟時寂不聞聲。疑而問曰。飯熟未。婦婉辭以應。已浙米矣。更緩須臾耳。夫實易米未歸也。恐傷舅心。將空甑熾火而炊。卽此委婉。其平日之孝。養可知。

嚴氏進士嚴自泰女。年十六歸邑人邱易甫。三載而易卒。無子。以夫弟之子為後。苦節自礪。年五十四卒。

葉氏黃成基妻。年二十夫亡。遺腹三月。矢志靡他。撫孤成立。三十年如一日。以上南平

王氏孟孔衷妻。二十三夫亡。守節六十一載。

福建續志

卷六十七

列女九

三

張氏孟雲棟妻。二十七孀居。守節三十五年。乾隆間

旌

任氏高洪達妻。年二十六夫歿。守節五十七年。子如

峰。妻羅氏二十四夫歿。守節三十六年。姑媳孀守

冰心共勵。里黨稱其一門雙節。乾隆間旌。

吳氏楊元榕妻。年十九夫亡。奉姑撫子。心力俱瘁。守

節六十年。子必名。由拔貢歷官乾州知州。乾隆間

旌。

任氏江廷桂妻。年二十而寡。孝以事姑。嚴以課子。歷

節四十二年。

陳氏周高生妻年二十三高生卒家貧無嗣惟老舅及呱呱二幼女氏百計作苦以資衣食事舅盡孝足不踰闕守節五十餘年卒順昌

廖氏林人鳳妻二十二而夫歿舅姑俱老二孤皆幼氏終無他志舅姑歿賣屋營葬紡績課子讀書百苦備嘗人稱為貞節之門

林仁娘貢生廖永齡側室年十六歸廖未數月而夫歿哀泣欲自盡嫡許氏救之獲甦日防範甚切許遺腹生子鋈鋈甫週而許又病歿林立志為夫撫孤以至成立乾隆間旌以上將樂

福建續志

卷六十七

列女九

四

黃英娘陳元治繼妻二十七而寡時值兵亂賦役甚煩氏處置得宜又設書田以貽後人臨卒跌坐如禪定

張氏盧萼妻年少守節巡按旌曰節凜冰霜

陳氏貢生鄧可受妻苦志孀守四十餘年撫孤成立備極艱辛

魏氏鄧奎郎妻年十九夫死無嗣甘心苦守以猶子生員鄧文輝為子事舅姑無怠心待妯娌有容色年八十三卒

鄧氏生員林曰曜妻夫早死遺一男一女家無擔石

紡績餬口苦節自甘

王氏李思國妻年十七夫死男孕三月家貧甚鄰婦有勸其他適者力拒之終不復與語毀形自誓勤女紅以育子年臻八旬人頌其貞烈

陳氏羅文錦妻年三十喪夫矢志自守敬奉舅姑養生迭死無忝節孝

張氏林一鳳妻夫逝氏年十八子甫一週撫棺號泣欲殉舅姑止之曰殉固節也撫孤尤大氏乃棄其田產以葬夫仰天默祝願子成立全節以卒

余氏黃守慙妻年十八而寡孤方一週氏趾不踰闕

福建續志

卷六十七

列女九

五

熒熒苦守年七十卒

黎氏楊叔蕢妻二十六而寡守貞甘貧撫教其子歷三十餘載

李端娘羅粹生妻年二十八寡總家政教子姪惡言不出聲次子雲階庠生長媳姜氏姪媳許氏俱以節聞

鄧氏李克壯妻年二十三克壯卽世氏上事耄翁勸慰多方養葬如禮教子華國遊邑庠

楊氏鄧光興妻二十三歲夫歿守貧以十指爲養姑教子費持節三十八年乾隆間旌

廖冬姑高裕遠妻歸未一年而夫歿撫遺腹子有成

守節四十七載乾隆間 旌以上沙縣

王氏陳滄妻二十八歲夫歿撫孤守節卒年六十六

乾隆間 旌九

陳氏賴大成妻二十三歲夫死守節五十六年嗣子

伯禩復歿妻江氏奉姑撫子孀守五十二年始媳

貞潔冰心人稱一門雙節孝乾隆間 旌

鄧氏賴世績妻二十七而喪夫荼苦守貞歷四十五

年卒乾隆間 旌以上永安

已經 旌表節孝

福建續志 卷六十七 列女九 六

黃氏林鎰妻乾隆間旌南平 朱氏盧尙巖妻 高氏吳占千

妻 方氏呂聖任妻 連氏吳皇丁妻 余氏生員

張熺妻俱乾隆間旌以上順昌 樂氏曹有慶妻 張氏林長祺

妻乾隆間旌以上沙縣 鄭氏陳湯道妻 廖氏王廷桂妻 陳

氏邢錫爵妻 朱氏邢英燦妻 陳氏李騰璘妻

鄧氏許增信妻乾隆間旌以上永安

貞烈

朱氏施二酉妻善事舅姑二酉業儒有潔癖婦事之

惟謹戊子春郭天才兵入吉田婦為賊所獲欲

之不從賊怒殺之二酉痛哭罵賊而死

李氏延平知府周元文子兆熊妻事上孝待下慈夫病亡從容易服閉門自經

管氏性貞淑配李某某年少遊蕩衣食不繼久而貧益甚遂有餌以錢帛而思穿屋墉者氏厲色正容以拒之不得已歸依母兄李屢欲嫁氏或強以不堪氏堅決不從後見夫性行不悛一日晨起盥櫛如常從容自刎以上南平

李氏范世仁妻于歸後相敬如賓年二十四夫死泣拜舅姑曰媳未有子願事夫地下遂自刎順昌

鄧氏羅聘吾妻居家嚴整庚寅遇寇厲聲罵賊不受

福建續志

卷六十七

列女九

七

其侮引頸就戮

練氏鄧斯謹妻以勤儉宅內政庚寅冬山寇突至氏避匿山中竟為搜獲罵賊不屈而死

陳婢姑方應泰妻兵至其家多方以犯之義不受辱遂遇害

張氏官夢麟母順治甲午賊攻官墩寨氏被執賊以為奇貨可居也食之以邀贖醵氏義不食厲言怒賊遂就義雍正間旌表建祠祀

鄧桂娘羅肇鼎妻年十六歸羅未三年而肇鼎歿視殮含畢夜自經死時年十八以上沙縣

蕭氏陳大德妻結褵一年而夫歿氏決意殉節爲夫立嗣以續宗祧踰年盥櫛素服自縊而死

陳氏李希天未婚妻希天歿氏聞訃哭泣卽欲奔喪不得遂吞金環求死家人救愈翁聞之立長男次

子爲希天後攜拜陳門氏抱嗣子哀鳴復絕粒七

日死永安

建寧府

節孝

陳氏張志縉妻志縉病劇氏禱天割股以療未幾夫歿毀容延喘孝事舅姑及舅姑逝鬻奩營葬課子

福建續志

卷六十七

列女九

八

必勤守節四十餘年卒乾隆間 旌

林氏毛肇禮妻早歲夫亡投繯決殉得救不死且勸以撫孤爲大氏忍死事姑黽勉撫稚子以延嗣續

甘貧守節四十餘年乾隆間 旌以上建安

周氏詹登賢妻年二十九而寡改粧毀容矢志勿貳

事姑飲食盥嗽必親奉以進姑嘗語人曰此賢婦

如孝子也切於課子膏火資皆自氏十指出二子

學皆有成乾隆間 旌

林氏陳朝機妻夫歿投繯者再又絕粒五日不死誓

志撫孤守節數十年

陳氏吳廷採妻年二十二夫歿茹荼飲藥守節五十三
三年乾隆間 旌

滕氏謝培乾妻早歲夫歿矢志不貳勤儉撫孤守貞
數十年乾隆間 旌以上甌寧

彭氏江趙鑠妻十九歲夫歿女紅自給撫孤有成守
節四十八年乾隆間 旌

黃氏劉韜妻年二十四而寡誓志守貞事祖姑克盡
孝道撫二子俱有成乾隆間 旌

黃氏梁大順妻年二十四而寡冰操自勵足不踰閭
歷節四十六年乾隆間 旌

福建續志 卷六十七 列女九 九

沈氏李振龍妻二十九歲夫歿以古貞婦自誓事孀
姑撫弱息慈孝交至堅貞四十餘年乾隆間 旌

以上建陽

徐氏幼失怙伯父撫之十五歸江崇學甫四載崇學
卒子朝柱方二歲氏教育有方長為邑諸生守節
六十三年卒

虞氏陳貴恒妻鄉賓夢弼之母也年未三十而寡蹈
禮守貞苦節七十年教子訓孫年登百有一歲建
坊 旌獎

張氏廩生彭慎謨妻慎謨早逝氏年二十三矢節不

二年逾八旬屢經 旌表

陳氏張伯顯妻年二十四而寡父母欲奪其志不從全節以終其妯娒丁氏胡氏後遇賊俱以不污死王氏諸生金庭高妻姑年老多病氏侍湯藥佐庭高以孝聞時大疫氏脫簪珥市藥物賑鄰鄰甚德之後庭高卒氏撫二孤終其節

丁氏諸生王琅母年十七而寡撫遺腹孤琅志行完粹

朱氏吳人式妻生三子人式卒事舅姑盡婦道長子死婦丁氏與姑同守節直指表以一門雙貞

福建續志

卷六十七

列女九

十

丁氏黃應薦妻年十八而寡矢志不渝撫遺腹子教以成立直指李時茂旌其門

連氏劉觀賜妻夫歿守志不移甘貧撫子歷節三十二年乾隆間 旌

吳氏潘廷雲妻早歲孀守事姑勤苦備至守節數十年乾隆間 旌以上崇安

邱氏年十六嫁姚永治爲妾甫六載姚歿遺一孤二齡所有貲囊嫡妻罄捲改適四壁蕭然氏與七旬母女紅度日未幾姑復歿母屢勸嫁不可四十九歲卒乾隆間 旌

徐許宋許字伍子文子文遠遊諸戚強之嫁遂自縊
伯母救甦越十年子文歸完婚二載復出竟不歸
且死無子氏以女工度日又十年而終

張氏舉人練文麟子天章妻年二十四夫故遺腹五
月或勸改嫁氏曰婦從一而終况書香家婦乎遂
斷髮爲誓孝事舅姑生男光祖撫養成立四十三
歲完節而卒乾隆間旌

真氏張聯元妻十六于歸二十七而夫亡生子甫旬
日氏矢志不二奉孀姑撫嬰兒完節四十三歲卒
從祀節孝祠

福建續志

卷六十七

列女九

十一

張氏孫之遴妻之遴疾氏衣不解帶晨夕祝天願以
身代及歿于袁甫五齡氏鞠育訓誨迄以成名從
祀節孝祠

劉氏緞娘候官吳璋衛妻二十八孀居遺二孤時耿
燹方熾氏挈二孤遠避於浦城二子復俱無祿僅
遺一孫壽八旬而卒

宋氏廩生張伯驥妻子二長如憐次如恂一女如玉
年十九未字驥歿總兵童四維者慕其色欲娶爲
妾氏不可四維怒暗投軍器室中將陷之重賂始
免而謀娶愈急如玉知不可回母女抱持哭遂相

易祝髮。改書屋爲尼庵。爲尼十載卒。氏知書善教。子如慤明經。如恂弟子員。今石鏡庵卽其母女守貞處也。

黃氏莆田人。性堅貞。年十九。適同里李奕生。借父質。易浦城。遂卜居城西。賣腐爲生。事父事夫。必孝必敬。父夫歿。撫一子稍長。失去。食貧荼苦四十年。如一。日。

詹氏周由忠妻。由忠貧。以舌耕。有八旬祖姑。病不能粒食。氏以粥哺。子以乳奉。姑年二十五。夫歿。姑繼亡。一月兩喪。骨立。措辦。嘗泣謂幼子庠等曰。吾所

福建續志

卷六十七

列女九

三

以不卽從。汝父於地下者。爲汝故也。時四壁如洗。恃機杼度日。閨鬻成立者三十餘載。乾隆元年。溪漲。及閭氏。猶閉戶不出。雖艱苦備嘗。而節孝彌篤。

以上浦城

陳氏范斐然妻。二十歲夫歿。老姑幼子。形影相弔。氏仰事俯育。一身兼任其事。苦節三十五年。鄉里欽之。乾隆間。旌。

旌

松溪

范氏盧養聖妻。生四子。養聖病歿。氏茹荼訓子。長之麟。游庠。而天次之象。繼亡。長媳何氏。次吳氏。側室張氏。一門四寡人。無間言。

林氏范秉睿妻年十八而寡苦志守節子不肖悲憤墜井而死

吳氏陳景芳妻景芳卒無嗣夫從兄欲令改適悉奪田園氏矢志甘守貧苦辛勤女紅自給年八十餘終

林氏龔氏者孝廉游應運妾應運卒二氏皆少艾各撫一孤守節四十年始終無玷

許氏倪有試妻年二十一夫喪獨遺一女或諷以無男不用守節氏哭曰未亡人何論男之有無竟孀居以終

福建續志

卷六十七

列女九

十三

江氏太學生范淑仁妻生二子嘉彥中彥甫孩童而淑仁卒氏年未三十苦節撫孤言不出閫壽九十四

許氏王子明妻年二十七而寡遺男九齡貧甚辟纊度日後男復天教孫成立卒年七十七

陳氏庠生范士騏妻夫亡無嗣倚外家數十年全節以終

陳氏范光晨妻家貧氏勤紡績佐光晨奉親親不食不敢食不寢不敢寢舅姑歿獨事祖姑問寢視膳不懈祖姑病危氏割股和湯藥以進因是得瘥

以為孝感

陳氏吳文焯妻焯將死指二子謂陳曰以是累汝焯卒氏念吳家世業儒不可以姑息廢也且又夫命辛劬課子以慈母代嚴父者三十年二子學俱有成以上政和

已經 旌表節孝

鄭氏周允健妻

翁氏儒士林元綵妻

俱乾隆間旌

毛氏陳樹星妻

徐氏儒士何鋒妻

藍氏賴際雲

妻俱乾隆間旌

呂氏謝必種妻

乾隆間旌

丁氏倪元甲

妻 辛氏林希穆妻

貞女王氏

徐氏李潘德妻

福建續志

卷六十七

列女九

四

廖氏陳士傑妻

衷氏暨復耀妻

汪氏暨文棟

妻俱乾隆間旌

李氏金履亨妻

李氏儒童王定妻

俱乾隆間旌

趙氏胡士龍妻

賈氏馮士章妻

劉

氏馮如光妻

俱乾隆間旌

未經 旌表節孝

劉氏張叶妻

秦氏張懿操妻

葉氏黃讓妻

氏何其魯妻

曹氏魏蕃烈妻

胡氏范鴻翥妻

歐氏王宇泰妻

趙氏張展業妻

吳氏葉芹妻

吳氏鄭宏彬妻

胡氏范世錦妻

陳氏劉璽友妻

周氏吳九日妻

鄒氏楊開林母

以上政和

貞烈

侯氏周廷謨妻年十九夫歿痛不欲生遺腹生子撫之及五載又殤氏悲痛入房賦十嘆詩以酒奠夫靈投繯死乾隆間 旌寧

李毓秀廩生王新運妻新運就郡試氏省母病塗遇賊賊將加辱氏罵賊而死

江氏暨壽富妻年二十五而寡山賊圍城幾被執氏避之佛嶺民舍中先扼殺其子女隨自縊死

洪氏同子楊二浩爲賊執賊索二浩金留氏以質氏密語二浩曰善事汝父吾死必矣罵賊不辱賊磔其屍

福建續志

卷六十七

列女九

十五

周氏庠生彭鶚薦妻鶚薦授經遠出氏奉姑家居山賊肆掠姑病氏扶之同行被執請曰寧殺我姑老矣逼之不從遂遇害

安氏彭國龍妻丙戌兵至自縊死

吳氏適范希若半載而希若死陳賊聞其少艾欲挾娶之姑懼終日哭氏度不免入寢房改粧出辭姑慷慨就道其姑心訝之入門持刃殺賊未遂跳躍而死後人始知其入房改粧時已服毒矣鄉人立碑以紀其節

周氏邛參妻參死慟哭幾殞勸以食踰月遺腹生一女氏抱棺號泣曰夫雖棄予予敢負夫乎不食數日卒

吳氏卅世振妻年二十為賊所執義不受辱厲聲罵賊賊怒殺之

黃氏適王幼石業儒而貧為父行役溺死氏聞之哭欲死遺腹生兒三歲為薙髮拜夫靈是夜自刎啓其梳匣得詩曰常說死同穴於今問水濱團圓難負約今向劍頭伸以上崇安

徐福娘本姓沈年十八適農民饒又日有羅三槐者

福建續志

卷六十七

列女九

夫

值饒出欲污之厲罵不從脅以利刃不辱夫歸以告尋自縊鄰婦解之夜遂服毒而卒事聞建坊從祀節烈祠

林喜使翁允介妻允介母朱氏寡既娶氏介死一門兩寡林氏年二十五遺腹七月生男應祥艱辛備嘗延至七齡婦弟密圖再醮遂縊死

夏氏關良微妻縣民吳公文調戲致死羞忿服毒守正不污捐軀明志乾隆間建坊旌表以上浦城

張氏趙秉和母居赤岐山寇竊發秉和甫七歲賊利趙氏財欲刳其子索贖氏曰趙宗祀恃此一綫妾

可殺兒必不可得挺身當之遭七刃立殂鄉人重
氏義聞於官以兵勦賊秉和刦而復歸氏之力也
和政

邵武府

節孝

黃氏庠生王錫榮妻夫早喪教子成名五十年操如
一日順治間旌年七十五終

甯端娘何通妻性溫惠事舅姑以孝年二十七而通
卒遂守節不二四十餘年中嘗躬親織以佐子讀
年踰大耋而歿

福建續志

卷六十七

列女九

七

李氏夫黃時達卒氏年二十七守制至八十三歲其
間寒暑遷變歷幾盡矣

張氏夫陳瑜早喪氏年二十苦守不事膏沐聲不外
聞遺腹產男撫養勤劬家貧績紡以延師事繼姑
如親母女德俱全

李氏庠生危科之繼室長子非已出撫養如所生氏
生次子衍芳訓誨有方翁姑俱之任氏獨居守鎖
鑰親操絕不已私視諸姪猶子於先後間無間言
焉衍芳妻王氏夫卒年二十有七慟傷幾至滅性
其子一在襁褓一猶遺腹氏俱育之成立姑媳幸

苦。計守節五十有九載。

胡氏李廷燁妻燁死氏年二十三其子如日方穉氏多方撫育成立補邑諸生年閱九十而終

陳氏庠生熊明德妻年二十六孀守至七十貞節無疵

劉氏鄧儉妻儉死劉拊棺哭曰吾孕三月倘生男必不負死者後果得男順治丁亥江西兵至肆掠驅劉氏母子行劉牽其子曰我十七歲守寡至今撫此一子今日母子一處死耳兵亂刃砍劉頂血出暈地兵去乃甦剪去血髮髡剃塗創二年始愈

福建續志

卷六十七 列女九

六

朱蘭娘符用桓妻年二十八夫歿號呼欲以身殉舅姑急止之曰夫亡子幼撫孤勝於殉夫况我二人耄老耶氏強勉承命以媳代子職數十年課幼子尤勤守節三十四年而卒乾隆間旌

黃氏諸生童瑜妻秉性純孝十八歲歸童越三載而夫歿霜節自矢食貧立繼以衍宗祧守貞數十年鄰里無有見其面者乾隆間旌

黃氏江素書妻二十四而寡上事翁姑下撫稚子不辭勞瘁誓志益堅兒陳疇娶媳陳氏後又天痛至兩目昏眊陳事姑盡孝姑媳相依苦節數十年俱

乾隆間

旌以上邵武

李錦娘適庠生江筆彩而艱於嗣氏爲助買妾林氏生子宗海而妾死氏撫育不啻已出夫被難宗海方五歲氏年未三十家貧伶仃辟纘教子期於成立值兵戈擾攘氏毀容斂跡撫孤全節以終

黃氏配郭蛟甫五載而夫歿遺孤三曰敬曰任曰時氏年二十有一哀毀踰常必欲從死舅姑暨父母泣諭曰而夫雖逝熒熒三子誰其撫之死節全孤孰優氏自是事舅姑益謹訓三子益篤值戊子兵荒備嘗艱苦舅姑旬餘相繼歿僕逝子幼喪盡哀殯盡禮人莫不敬服

福建續志

卷六十七

列女九

九

梁氏黃鎮中妻年二十四而夫卒哀慟欲絕翁姑羸病衣不解帶以奉湯藥及歿喪葬盡禮乾隆間旌

李氏梁明福妻年二十二孀守奉姑教子且撫孤姪如已子宗族稱焉守節五十八年乾隆間旌

郭氏毛伯偉妻年二十八夫歿誓志孀守苦節五十二年卒乾隆間旌

黃氏配邑人危必奎事舅姑以孝聞生二子曰煥曰樞年未三十失所天值兵荒游臻攜二孤歸母家

朝夕紡績上飯母而下嚙子糠粃自甘豪強知其賢而貧欲奪其志氏引刀指天誓以死殉里閭稱之

官氏梁大言妻年二十二孀居撫孤閨訓甚肅歷遭兵火矢志不移與子以死自期及庚寅復罹寇變嘗赴水以救免

邱氏黃祖珩妻年二十五而寡守節四十七年乾隆間旌

熊氏李雲瀚妻二十四歲夫死斷髮自誓教子孫成立雍正乾隆兩次賜粟帛乾隆十五年壽值百

福建續志

卷六十七

列女九

三

歲而卒歷節七十六載人稱節壽之門朝命旌焉

張氏梅璣妻年二十五操守貞操三十五載乾隆間

旌以上光澤

高氏黃淵妻鄰居失火將及其廬翁柩在堂氏撫棺慟哭而火自止年二十三夫歿男梗纔三歲或欲奪其志誓死不從

何氏謝國徵妻年十九夫故無嗣撫繼子世傳成立孝事瞽姑雖廁穢必隨

余氏黃燭妻十七而寡遺孤孺生纔四十日守節事

姑以孝聞

楊氏李奇雍妻年十六雍病氏欲強詣父母不許氏曰安有所天病而不持刀匕者乎歸期月而雍卒氏猶未成婦也父母兄弟欲奪其志楊遂自經娣姒驚救之自是無敢以他言進者然居恒未嘗戚戚伯氏奇璧教其女問曰媻何以不愁楊曰守節婦人職也若見爲苦難惡能守耶奇璧韙之孔廷娘丁貴鼎妻二十八夫亡矢志媻居孝事舅姑撫子士濂士濬怡怡有恭歷五世同居年九十七冰霜凜冽如一日

福建續志

卷六十七

列女九

三

朱氏李寅妻寅早歿其兄與嫂又相繼夭俱無嗣越三年寅弟富又夭僅一子傑纔襁褓朱父母謂曰而家凶禍如此煢煢僅一孤誰與爲後而苦守爲乎氏泣曰兒雖無與爲後然與媻共一姪猶兒後也且兒何忍舍姪因抱傑大慟未幾媻又卒氏撫姪極有恩婆居四十年閨門肅如也

何氏王寵妻寵年十五而病氏歸侍湯藥三月而寵亡氏年十四猶未成婦也父母謀改適氏以簪刺其喉示必死父母知不可強乃送歸自是遂絕跡母家

曾氏詹國宗妻年十九而寡無子後姑又凌虐之矢志不移越十餘年始得國定之子儁以承祧年七十五而終

王淑廖大器妻大器夭遺腹生女無可繼者舅姑逼之嫁氏以死自誓久之姁余氏舉子氏撫以爲嗣徐氏黃燧妻年十九而寡以從子都承嗣貞靜婉懿孀居五十餘年

艾氏丁兆祥妻事姑至孝體姑意奪已女之乳而乳幼叔早寡無子以夫弟之子妍彩爲後婉淑之德族黨稱焉

福建續志

卷六十七

列女九

三

周氏庠生熊大捷妾年二十二而夫死遺孤國泰生僅兩月家值中落氏茹苦撫孤形影相弔孤稍長悉氏紡績佐讀姑程氏老而且瞽氏服勞盡養行坐不離左右

湯桂娘余萬祚妻年十八未育而寡泣誓爲夫守節斷葷酒撫繼子無異所生孀居三十五載

黃氏謝朝銘妻年二十五而寡遺孤五歲食貧守節常不能晨炊同居者遺以束薪氏不受曰非吾錢所市非吾子所採不以炊除夕囊無一錢其子未歸鄰人饋以酒肉薪米謝卻之其介然不苟如此

此子長能自立氏年八十三矣

范永選妻甯氏克脩婦職孝姑敬夫年屆三十舉一子而夫棄世氏茹荼撫孤年踰七十卒

吳大妹趙元文妻二十而寡家貧醫釵珥操井臼以奉翁姑翁老且病湯藥悉氏親奉曰吾代夫以完子職遺孤三齡以養以教底於成立孀守三十六

年乾隆間旌以上建寧

江氏楊某妻甲申春天災流行夫兄弟妯娌俱殞氏遺四孤伯遺三孤叔遺一孤皆幼氏咬指瀝血收撫羣孤饑寒疴瘁一以誠求氏忘其非已子猶子

福建續志 卷六十七 列女九 三

亦不識其非已母皆獲安全

羅氏江寬妻年十八而寬歿家貧無子富人謀娶誘以歸寧氏覺之乃斷髮誓曰吾頭可斷吾志不可奪孀居五十餘載未嘗啓口一笑有司上聞表宅

李氏庠生馮朝明妻年十六于歸兩月而寡起臥隨姑刻步不離避亂登崖不用男子手引曰死即死矣安可違禮而苟活耶事姑以孝立嗣以慈年七十卒有司表厥宅里

江氏梁述妻述早卒遺子煥年數歲氏持孤守志貧苦自甘雖至親不輕接一談其精白居孀五十年

如一日年七十三卒。

蕭氏梁萬里妻初為夫棄無怨言未幾萬里卒遺腹三月同堂危撼日生百方自全彌月生子山氏益含忍保護苦節六十二年而終以上泰寧

已經 旌表節孝

謝氏吳楚妻 陳氏龔于朝妻 李氏魏濱妻乾隆俱

間旌黃氏郭尙珣妻 危氏李時益妻 黃氏危

以上邵武日舉妻 梁氏黃環仰妻 郭氏黃翔紫妻 何氏

方漢翔妻 龔氏高觀光繼妻 梅氏梁居易繼妻

李氏龔文宗妻俱乾隆間旌以上光澤蘇氏黃雲鵬妻 甯

福建續志 卷六十七 列女九 一

氏王錫瓚妻 謝氏朱國瀚妻 熊氏涂景芳妻

饒氏涂景祐妻 李氏陳鶴峰妻 孔氏楊世儀妻

貞女張氏 張氏廖類璠妻 姜氏湯鴻儀妻 吳

氏聶萬鍾妻 黃氏儒童鄔尙賓妻 李氏生員朱

文倬妻 徐氏儒童朱文佩妻俱乾隆間旌以上建寧江氏鄭

本醇妻 江氏陳啓新妻俱乾隆間旌以上泰寧

貞烈

晏氏張新甫妻奉侍姑嫜承歡菽水戊子年七一寇猖獗氏為亂兵所獲義不污身伏刃自殺時年二十

有二邵武

楊氏適庠生馮肇先于歸三載值兵至避難預將所
弃釵環分給諸人以銀錫付嬸令交肇先曰余爲
君子全節願善眎遺物以當未訣言訖投崖而死

福建續志卷六十七終

福建續志

卷六十七

列女九

三五